

**Serge Reggiani****"LA BALLADE DES PENDUS"**

Visit "[LA BALLADE DES PENDUS](#)" on [MotoLyrics.com](http://MotoLyrics.com)

Frères humains qui après nous vivez,  
N'ayez les coeurs contre nous endurciz,  
Car, si pitié de nous pauvres avez,  
Dieu en aura plus tost de vous merciz.  
Vous nous voyez cy attachez cinq, six:  
Quant de la chair, que trop avons nourrie,  
Elle est pièce de viande et pourrie,  
Et nous, les os, devenons cendre et pouldre.  
De nostre mal personne ne s'en rie:  
Mais priez Dieu que tous nous vueille absouldre!

Se freres vous clamons, pas n'en devez  
Avoir desdain, quoy que fusmes occiz  
Par justice. Toutesfois, vous savez  
Que tous hommes n'ont pas bon sens rassiz;  
Excusez nous, puis que nous sommes transsis,  
Envers le filz de la Vierge Marie,  
Que sa grace ne soit pour nous tarie,  
Nous preservant de l'infemale fouldre.  
Nous sommes mors, ame ne nous harie;  
Mais priez Dieu que tous nous vueille absouldre!

La pluye nous a debuez et lavez,  
Et le soleil dessechez et noirciz:  
Pies, corbeaulx nous ont les yeulx cavez  
Et arraché la barbe et les sourciz.  
Jamais nul temps nous ne sommes assis;  
Puis ça, puis la, comme le vent varie,  
A son plaisir sans cesser nous charie,  
Plus becquetez d'oiseaulx que dez a couldre.  
Ne soyez donc de nostre confrarie;  
Mais priez Dieu que tous nous vueille absouldre!

Prince Jhesus, qui sur tous a maistrerie,  
Garde qu'Enfer n'ait de nous seigneurie

Garde qu'Enfer n'ait de nous seigneurie:  
A luy n'ayons que faire ne que souldre.  
Hommes, icy n'a point de mocquerie;  
Mais priez Dieu que tous nous vueille absouldre!

Auteur: FRANCOIS VILLON (1431 - 1463)

Visit [Serge Reggiani](#) page on MotoLyrics.com, to get more lyrics and videos.

---

[MotoLyrics.com](#) | Lyrics, music videos, artist biographies, releases and more.